


江西通志

一 序目

陽明文庫圖書
六 冊
共 20 冊
聲學院圖書館

近衛本
5-86
11



5-36
71

江西通志序

近衛本

辛酉冬臣成龍蒙

皇上簡命總督兩江以明年壬戌夏
抵任又明年癸亥禮部奉

旨督催各省通志臣成龍駐劄江寧

既與江蘇巡撫臣余國柱安徽巡

撫臣徐國相同輯江南通志見在



1115223

昭和34. 7. 8

江西通志片
付梓另呈

宸覽惟江西去江寧千有餘里控轄
遼濶不得身至其地于是發凡起
例定爲程式移檄江西布政司兼
攝撫臣事臣張所志諏日設局羅
致文獻摺撫哀輯鱗次櫛比務期
典覈凡閱十旬臣所志錄藁本授

臣臣

又與江西新任撫

臣安

世鼎

爲之鈎稽考覈芟繁補缺蒼爲成
書剖劄進

呈以備我

皇上乙夜觀覽

臣成龍

蓋於屬草之

餘竊歎我

皇上赫聲濯靈欲使照臨之下指掌

瞭然真堯舜之用心而三代以下
未之或有也江西爲古豫章郡于
九州屬揚子分野屬斗以廣輿言
之不過一隅耳然其地爲吳楚之
脊爲閩粵之咽喉匡廬彭蠡巨峙
淵渟大庾之陽章貢流其下鬱孤
南闕嶺海異候劃然天界鄱冢導

流下瀦敷淺原廣信阻兩浙建昌
接八閩形勢四塞長江自楚入境
轉漕千里賈客行旅風帆浪舶出
沒波濤中吳鹽蜀材灌輸不窮
神京控馭萬里聲教敷播使命出納
適當道里之中然則關津之通塞
山川之險要民俗之隆污不可謂

其僻小無關理亂之數也

皇上崇儒右文萬幾之暇無日不以表章六經爲事而江西爲理學之鄉文章風雅之奧區鵞湖鹿洞之蹟尚存而吳與弼康齊胡居仁敬齋輩衍之於前羅倫羅洪先鄒元標諸子又承之於後且廬陵南豐

臨川之學亦炳然不乏繼蹟故其
節應

同又洽化之治尤切昨者長鯨肆逆鋒鏑瘡痍羽織燧燔耄倪震驚而豫章一境士輯民安砥滇楚四接之狂瀾而障之轉輸供億罔敢愛將事之勞又孰非

皇上文德之誕敷其澤之入人者深
而教之淪浹者至乎今茲沐浴濊
澤歌嘏太平

聖天子方垂裳穆清膺圖受貢昭華
龍叙行且比隆唐虞登咸三五顧
宸衷殷殷環顧六服問風教所繇令
守土之臣陳掌故定疆域藉貢稅

之數採風俗之宜以獻既以備

聖心之張弛且亦以資史氏之蒐採
爲

昭代不朽之典冊焉而臣以愚固樸
邀之儒勉膺其責合十三郡七十
八州縣之事蹟上下三千年之故
實成之於數月之內蓋昉自樂史

江西通志序
五
祝穆迄於近代所編體裁相踵義
例加詳繁而不至于冗簡而祈無
所漏異以仰副

皇上申命編纂之

聖衷書凡五十四卷既成

臣成龍

又

得拜手而颺言焉將使宦于此者
披覽考索識居官之所宜先生于

此者亦知前賢往獻之盛有所興
起而感發而惜臣之軀材淺學實
未足以幾此也

康熙貳拾貳年歲次癸亥仲冬穀

旦

總督江南江西等處地方軍務兼
理糧餉操江兵部尚書兼都察院

江西通志序
右副都御史

臣于成龍謹序

江西通志序

今天下四海一家聲教暨訖武功
丕盛文治覃敷舉凡一代典章靡
不煥然明備而於一統通志

皇上特命直省各纂成書以時彙送

於是江西布政使

臣張

所志

奉兩

江督

臣于

成龍

之檄梭羅郡乘延

集文儒開局纂編刻期竣事

臣世

鼎荷蒙

簡命復蒞此邦適會通志告成得從
督臣之後颺言以

獻竊惟志之權輿粵自周官小史掌
邦國之志外史掌四方之志以資
掌故以備採風是必作而可傳傳

而可信俾後之人考其山川形勝
而興地靈人傑之思按其建置沿
革而識運會遷流之故覈戶賦而
知盛衰之本末稽風俗而審華樸
之源流畱連考索於宦績人文典
型在望而知伐柯可咏愛敬以生
也西江分野上應斗牛襟江抱湖

介吳楚而扼閩粵於山見匡廬庾
嶺二孤五老之奇於水見鄱陽彭
蠡九江十八灘之險於人物見南
州彭澤廬陵臨川鵞湖鹿洞高風
亮節文章理學之環異載在圖書
甲於天下獨是地當山澤之交土
薄而狹田復高下不等時以水旱

爲虞民樸而愿逐末者少產無南
金犀象之珍市鮮吳綾蜀錦之聚
布帛菽粟之風視他省爲獨淳亦
視他省爲獨瘠且自明季寇兵蹂
躪逮入

本朝版圖底定隣氛小醜旋擾旋寧
人民未登於衽席田野或尚在蒿

萊幸家我

皇上休養撫綏勞來而煦嫗之蠲租
發粟

恩詔屢頒又念斯民苦罹兵燹自康
熙拾陸年以前積逋百拾餘萬盡
行豁免今日者士食舊德農服先
疇蕩蕩平平咏歌沐浴蓋

皇上之深仁厚澤周浹寰區而淪被
於西江者尤爲有加而無已也臣
重撫豫章受事未久於凡興革諸
務尚未及次第瀝陳以仰副

聖懷之萬一先得觀通志之成受而
卒業見其條分縷晰詳畧得宜十
三郡之山川土田賦役人文一開

卷而犁然在目庶幾得附於可傳
可信之書進而備東觀之採擇彙
而大一統之規模遠而垂萬世之
文獻聿昭我

皇上聖德神謨文明彪炳煥乎與古
帝同符臣恭逢其盛藉手成書續
校正於鳩工踵爲山之一簣拜手

進呈廁名不朽區區葵藿實有厚幸
焉至於沂巖疆之阻峻瞻山澤之
高深則知鎖鑰綢繆之爲重也覩
風帆之上下問輪蹄之往來則知
水陸衝津之易疲也解刀劍而買
牛犢化鼠雀而爲淳良兵民文武
以調劑爲安全土俗士風以振興

爲勸率上以廣

皇上天覆地載之恩下以盡臣子潔
已愛民之職是又在各守土者加
之意焉臣敢不勉諸夙夜凜矢淵
氷以爲諸有司倡

康熙貳拾貳年歲次癸亥仲冬穀

旦

巡撫江西等處地方兼理軍務兵
部尚書兼都察院右副都御史加

十一級

臣

安

世鼎

謹序

江西通志序

禹貢彭蠡既潯江右地始見經其
 後吳楚于周郡縣于秦由漢迄隋
 皆仍郡號而合隸于揚州至唐開
 元中始分江南西道治洪州專置
 採訪使尋改都督又稱觀察宋曰
 安撫元曰行中書省明曰承宣布

政使司

國朝因之由合而別由郡而道而行
省而使司事權日趨重矣

臣所志

不材不足以當大任二十有一年
冬承乏遷自閩臬受

命以來訪其山川形勝風俗淳漓人
物盛衰咸以爲襟江帶湖控引荆

越民秀而剛而不屈澹臺倡其
前新建踵其後東南之奧區也冠
蓋之里閭也理學文章之淵藪也
噫可尚矣于是發東冶涉盱江浮
鄱陽以及于南浦屬干戈甫定征
繕始停瘡痍未起逃亡未復數百
里間漠然徒見山高而水清氣運

江南通志序
升降之故古今隆替之感不禁慨然嘆畢然以思也

聖明在御氛祲蕩平武功旣暢文德斯敷夏六月奉部檄各使司輯通志以進將成全書大一統之盛垂千萬禩而無窮甚盛典也謹按江西故有通志修自明嘉靖間未幾

燬無復存不可得而考矣而故志所未載者又經百有餘歲陵谷之變遷典章之因革君子長者之表見樹立遊人達士之流風餘韻與夫窮鄉陋巷匹夫匹婦之節羽客浮屠之學無慮千百湮沒可勝道哉往亦嘗被纂修之

令謀述作之功簡編未就中輟散逸
乃至於今復厯

申命採掇討論事繁工鉅語曰頭白
可期汗青無日蓋難之也

臣所志

不材不足以勦大典然而不敢怠
也禮耆舊延縉紳網羅舊聞搜求
放失歷夏徂秋屬草始竣先請校

讐于督撫兩臣去浮核實其慎其
詳亦旣帝帟無訛而夏五不闕矣
撫是編也星土之度次辨焉封疆
之險阨具焉庸調之輕重陳焉控
制之機宜燦焉不彬彬乎質有其
文哉雖然

聖天子明目達聰輯四方之志以觀